



**I**ohannes natus est in oppido Kircheim apud Suevos anno 1494. Is cum literarum rudimenta in patria didicisset, sese ad celebrem Viennensem academiam contulit, atq; ibidem liberalibus artibus operam impendit. Cum autem eo tempore Mathematicę disciplinę in illo gymnasio uigerēt, Ioannes studium illud amplexus omnem difficultatē superauit, atq; in primis Arithmeticę & Geometrię exactam notitiam sibi comparauit. Postea Lypsiam peruenit, atq; quę adhuc deerant sua diligentia acquisiuit. Tandem Tubingam profectus omnibus ob uitę integritatem & eruditionem innotuit. Itaq; liberalium artium Magister constitutus, & in professorum numerum cooperatus fuit. In ea Academia Ioannes Euclidem exposuit, atq; numerandi rationem absolutę tradidit. Scripsit etiam compendium Arithmeticę Basileę 1549 excusum. deinde Euclidis sex libros priores de Geometricis principijs, unā cum demonstrationibus propositionum, absq; literarum notis mirum in modum elaborauit. Regulas quoq; Algebraę doctis prius abditas in lucem reuocauit, atq; uaria instrumenta sua industria confecit, usus potissimū ea in re ipsis Fuggeris Mœcenatibus. Hinc factum ut Scheubelius quod eas artes attinet, omnibus innotuerit, & sibi magnum nomen compararit. De eo Eberhardus Cellius Epigramma composuit, & ad me Basileam transmisit.